



13 676.38
846

宋氏家傳

從孫名立謨

公諱之韓字奇玉號蓮仙中丞公之次子司農公之胞弟也少辟呬庭訓沈浸墳典弱冠補諸生有文名食餼試輒爲學使者所知拔列高等公爲人規言矩行動合禮法讀書專精不復知環堵外事屢戰棘闈數奇弗第以歲貢生授東昌學博公之司鐸是邦也本身設教嚴立課程先經術而後文章一時博士弟子無不蒸然雲興雖安定之在昭慶吳門莫之或過任滿薦擢倅於西蜀之瀘州瀘

字第 21031 號

冊

冊

宋蓮仙年譜

海濱詩集 詩月 一 松有園
本邊徼僻壤其民弗知禮制婚娶之道習於苗蠻
陋俗公從而慕之媒妁慕之親迎教化多方于是
瀘風因以丕變公官數年一日慨然曰吾老矣奚
戀此雞肋爲也乃決志乞休束裝歸里家居優游
享年六十而卒塋萬鳳窩之陽

先太高祖別駕公年譜

古棠馬臥廬邦舉裁定

來孫 瀛菟輯

舅孫徽章較錄

公姓宋氏諱之韓字奇玉一字稚甫號西蓮又
號蓮仙兗州府沂州人公會祖諱梯字升之號
小峯祖諱日乾字克厲號警箴歲貢生勅贈修
職郎加贈徵仕郎兵科給事中父諱鳴梧字泰
侯號泰斗萬歷庚子舉人已未進士累遷中順

大夫都察院協理院事左僉都御史誥贈正議大夫左副都御史崇禎時建守禦十策疏入不報著有琅邪集家傳纂言四禮纂言漫錄纂言等書行世曾祖母氏趙祖母氏周繼祖母氏楊贈孺人母氏邵封淑人

明萬歷三十八年庚戌十二月十八日丑時公生三十九年辛亥公年二歲

是年五月十一日卯時公祖警箴公卒警箴公年二十八入州學食廩餼與海岱能文士結社七

試棘闈不遇辛亥以廷試入都旋至新城病作卒旅亭柩歸卜葬聯鳳山陽時年五十三歲

四十年壬子公年三歲

四十一年癸丑公年四歲

是年十月十二日未時公繼祖母楊孺人卒孺人沂州衛藉父欽于歸時贈公窶甚孺人雪夜織絰并舂指畫農桑手調甘脆供舅姑自噉糠覈菜根時公父泰斗公夜半讀書糜粥勞苦以爲常卒時年五十八歲十二月二十日合葬聯

鳳山陽左春坊繆昌期爲撰墓誌

四十二年甲寅公年五歲

公父泰斗公自丁父憂丁繼母憂前後廬墓六年

四十三年乙卯公年六歲

四十四年丙辰公年七歲

四十五年丁巳公年八歲

四十六年戊午公年九歲

四十七年己未公年十歲

是年泰斗公成進士觀政刑部與桐城左忠毅

光斗江陰繆文貞昌期爲知交

泰昌元年庚申公年十一歲

天啟元年辛酉公年十二歲

是年泰斗公授行人司行人

二年壬戌公年十三歲

是年泰斗公于役涼州

三年癸亥公年十四歲

四年甲子公年十五歲

是年泰斗公涼州事竣改官行人

五年乙丑公年十六歲

是年冬十一月泰斗公假歸爲公娶馬安人安人沂州庠生建中公次女

六年丙寅公年十七歲

是年公入泮充附學生員

七年丁卯公年十八歲

是年泰斗公入都復行人任直言抗疏劾魏璫羣小啣公於主貴州鄉試回同汪邦柱俱以門

戶勒公閑住

崇禎元年戊辰公年十九歲

是年泰斗公薦起原官選兵科給事中誥封徵仕郎

二年己巳公年二十歲

是年公省泰斗公於京師十一月京師戒嚴泰斗公同何學士吾騶姚侍讀希孟文侍讀震孟詔對平臺分守德勝門叙功服俸一級

三年庚午公年二十一歲

是年公科試超等補廩膳生員泰斗公巡視大倉銀庫陞兵科右給事中持節冊封魯藩陞吏科左給事中

四年辛未公年二十二歲

是年公省泰斗公於京師有燕中草全守初貞一評公燕中草曰琅邪先輩咸尚節義薄躁進後學樂譚孝友後文執竒玉纔弱冠遂以興起道術自任文章本至性天下共見之吳應箕次尾又有評曰竒玉東魯之傑也泰斗公陞吏科

都給事中旋以忤周延孺謫河南按察司詔磨

五年壬申公年二十三歲

六年癸酉公年二十四歲

是年泰斗公陞南太僕寺丞九月三十日寅時生長子諱稷學字禹友廩生有宜疎園詩集

七年甲戌公年二十五歲

是年泰斗公陞尚寶司卿

八年乙亥公年二十六歲

是年泰斗公陞都察院協理院事左僉都御史

授中順大夫

九年丙子公年二十七歲

是年四月初二日丑時泰斗公以僉都御史卒
京師時年六十歲誥贈都察院左副都御史欽
賜御祭一壇賜清修介節匾額勅褒里門紳衿
以公純忠至孝公舉崇祀鄉賢祠附祭忠孝祠
十年丁丑公年二十八歲
十一年戊寅公年二十九歲
十二年己卯公年三十歲

公與同社諸君子闡發名教務爲有用之學一
日嘗示同人曰二帝三王之治不復見於三代
以後者止繇上下以虛文相緣飾耳人臣果肯
以實心做實事使言必有用事必有功無一毫
欺上罔下苟且偷安之念天下何患乎不太平
帝治王道何難卒復此非世有古今實人臣有
忠與不忠也

十三年庚辰公年三十一歲

十四年辛巳公年三十二歲

是年四月十七日丑時生次子諱契學字敬徽
候補州同知

十五年壬午公年三十三歲

是年冬之燕京

十六年癸未公年三十四歲

是年十一月十三日寅時副室田孺人生子諱
伊學字右仲太學生

大清順治元年甲申公年三十五歲

是年二月選山避闖氛至蒙陰三月同兄今礎

奉母攜家渡江至杭州避地武陵聞里園舊第
已爲兵將所居旣而公奉母命歸覘闖氛並理
產以爲歸計七月抵家著有松崖園前集今礎
奉母渡錢塘之紹興居焉

二年乙酉公年三十六歲

是年著東泐篇歸珩篇艾山篇秋赴試任城由
曲阜登蒙山絕頂至青州

三年丙戌公年三十七歲

是年七月十三日申時公母邵淑人卒於台州

查浦旅邸淑人生萬歷庚辰七月十一日亥時
享年六十七歲公奔喪台州徒跣千里扶柩歸
墓

四年丁亥公年三十八歲

五年戊子公年三十九歲

是年客長安有燕山吟夏六月歸沂州著浴沂
草

六年己丑公年四十歲

是年公之揚州有廣陵吟

七年庚寅公年四十一歲

是年有松蘿園後集涼松草先是公長子娶全
氏貞一女五月初一日寅時生子諱允升字元
吉候補州同知

八年辛卯公年四十二歲

是年十月二十日督學使者鍾考准克順治九
年歲貢赴試歷下有歷山吟

九年壬辰公年四十三歲

由歲貢赴京

廷試有燕都草是秋東歸有東歸草松雀園後
 集八月二十一日巳時副室孫孺人生子諱夔
 學字益友太學生十月初三日副室劉孺人生
 子諱維學是年十二月二十日公送子高即契
 學伊學入黌宮

十年癸巳公年四十四歲

是年十二月奉檄入宅有後松雀園詩

十一年甲午公年四十五歲

是年秋應本省鄉試有涑松草

十二年乙未公年四十六歲

是年公省兄常州有毘陵青山篇到蘇州有遊
 茗草

十三年丙申公年四十七歲

是年有涑松草冬之燕京

十四年丁酉公年四十八歲

是年有涑松園詩草

十五年戊戌公年四十九歲

十六年己亥公年五十歲

是年有青雲閣草

十七年庚子公年五十一歲

是年秋公之濟南應鄉試合前共十應鄉試

十八年辛丑公年五十二歲

是年補東昌府教授有光岳樓詩

康熙元年壬寅公年五十三歲

教授東昌

二年癸卯公年五十四歲

教授東昌是年三月十四日亥時公長子生子

諱允謙字皆吉候補州同知

三年甲辰公年五十五歲

是年教授任滿擢薦瀘州別駕夏公自東昌赴

濟南十一月初二日自東昌歸沂著過沂草

四年乙巳公年五十六歲

正月自沂州赴瀘州長子稷學送至彭城下洪

還同次子契學入蜀是年四月至瀘州別駕任

先是公次子娶費邑鈞石先生王道沛女有綠

牕詩草是年正月十九日辰時次子生子諱允

豫字志行歲貢生

五年丙午公年五十七歲

是年赴定州

六年丁未公年五十八歲

公在瀘署傳蜀難本末是年公自定海沂詩集
二十卷

七年戊申公年五十九歲

歸沂州

八年己酉公年六十歲

是年六月二十四日未時公卒塋萬鳳窩之陽
長女適遊擊楊珍珍大明府遊擊招撫土寇罵
賊及難誓以身殉屢經解救弗死撫育幼孤教
以成立苦節多年卒詳州志節烈傳次女適生
員陳啟新爲繼室撫前妻女如已生女紅操作
訓誨有方嫁日出已簪珥爲奩具夫年三十七
遺一子在襁褓孀居育孤教子有成詳載州志
次適沂州庠生夏之時次適沂州庠生王墀

海洲詩集

年譜

三

松蘿園



